

(2)

MINUTES OF THE MEETING OF EXECUTIVE COUNCIL, LUNGLEI MUNICIPAL COUNCIL HELD IN THE OFFICE CHAMBER OF CHAIRMAN, LUNGLEI MUNICIPAL COUNCIL ON 8.6.2023 THURSDAY (11:00AM).

Members present:

1. Pu Lalzuithanga, Chairman
2. Pu K. Lalrinawma, Vice Chairman
3. Pi Lalhruaitluangi Sailo, Executive Councillor
4. Pu Zorinsanga Hmar, Executive Councillor
5. Pu H. Lalhmingthanga, Chief Executive Officer

A. TANNA

Executive Council meeting hmasa ber hi Lunglei Municipal Council Chairman Pu Lalzuithanga'n a kaihruai a. Pathian thu, Thufingte 24:6 chhiarin ral beih hmaa ngun taka ral rel hmasak a pawimawh thu leh LMC hmalakna tur pawh uluk taka ruahman a tul thu a sawi.

B. THU NGAIHTUAHTE

1. Ward Committee din chungchang.

Rule 3 of the Mizoram Municipalities (Ward Committee and Local Council) Rules, 2010 chuan Municipality Ward tinah Ward Committee din tur a nih thu a sawi a. Ward Committee tihtur leh mawhphurhna chu Rule 10-13 ah tarlan a ni. Ward Committee din chungchang hi ngun taka ngaihtuah a nih hnuah hetiang hian rel a ni:

1) Ward Committee hi din thuai ni se, June thla chhungin din fel hman vek tum ni se.

2) Rule 3 of the Mizoram Municipalities (Ward Committee and Local Council) Rules, 2010 sawi ang takin, Ward chhunga Local Council tinin an aiawha Ward Committee member tur mi 2 (pahnih) theuhrawn ruat se.

3) Councillor-ten an Ward chhunga prominent citizens an ruatte chu Dt.16.6.2023 aia tlai lovahrawn theh lut se, Local Council-te pawhin an aiawha Ward Committee member turte chu Dt. 23.6.2023 aia tlai lovahrawn theh lut se.

2. LMC Office chungchang.

Convention Centre-ah hian Department/Office pathum lai kan awm khawm avangin LMC Office than zelna tur room leh hmunhma a awm tawh lo a. Chuvangin LMC Complex hran neih thuai a tul hle a ni. Ram leina tur sum a awm rih si loh avangin Lunglei Municipal area-a sawrkar Department hmunhma nei tha deuh, luah seng si lo an awm leh awm loh thlithlai kual tawh a ni a.

Lunglawn veng mawnga Printing & Stationery Deptt (Govt. Press) building chu Dt.23.5.2023 khan Chairman hovin Councillor rual leh Official-ten a hmunah enin, a neitu Department hian an luah seng lo hle tih hriat

chian a ni a. He building hi G+1 niin a chhakah extension/Annexe building a awm baw a. Govt. Press-a thawktute hian room pahnih chauh an luah tawh avangin a bak zawng chu a ruak vek tawh a ni. UD&PA Deptt hnuaia Senior Management Committee meeting Dt.26.5.2023 chuan he hmalakna hi tha a ti hle a, *"Council of Ministers meeting hmasa bera ngaihtuah atan LMC-in Administrative Department-ah P&S building luah rawtna rawn thlen se"* tiin thu a dah baw a ni.

Hemi chungchang hi ngun taka ngaihtuah a ni a, hetiang hian thutlukna siam a ni:

1) Lunglawn veng mawnga P&S Deptt (Govt. Press) building hi, LMC Complex hran kan neih theih hma chu, luah hawh min phalsak turin sawrkar-ah ngenna thlen ni se.

2) He building hi luah theih tura cheibawl dan tur leh senso ngai zat tlangpui hriat nan Engineer-te hruiin Dt.14.6.2023 Nilaini-ah Executive Council-in a hmunah va en leh ni se.

3) Engineer-ten sum sen ngai zat tlangpui an chhut fel hnua sawrkar-ah rawtna felfai tak thlen ni se.

3. Draft Rules and Regulations siam chungchang.

LMC hmalakna hrang hrang atana behchhan tur dân (Rules & Regulations) neih thuai a tul hle a. Hemi kawngah hian chak tak leh awmze nei taka hmalak tha tih a ni a, hetiang hian hmalak dan tur rel a ni:

1) The Mizoram Municipalities (Property Tax) Management Rules, 2014 hi hman ve thuai a nih theih nan Lunglei Municipal area-a veng hrang hrangte hi Category hrang hranga then fel thuai tura hmalak ni se. Hei baka tul dangte pawh official lamin lo zir chiang se.

2) Draft Lunglei Municipal Council Regulations/Bye Laws hrang hrang siam hmasak dan tur indawt (prioritized list) hetiang hian ruahman a ni a, Board of Councillors meeting pawmpui tura chhawp chhuah ni se tih a ni:

- i) Draft Lunglei Municipal Council (Control of Parking and Collection of Parking Fees) Regulations.
- ii) Draft Lunglei Municipal Council (Building) Regulations.
- iii) Draft Lunglei Municipal Council (Display of Advertisement and Hoarding) Regulations.
- iv) Draft Lunglei Municipal Council (Solid Waste Management) Bye Laws.
- v) Draft Lunglei Municipal Council (Plastic Waste Management) Bye Laws.
- vi) Draft Lunglei Municipal Council (Licensing) Regulations.

3) Draft Regulations/Bye Laws buatsaih hna hi mumal taka kalpui a nih theih nan hetiang hian hmalak dan tur indawt (step by step process) siam a ni:

i) Official-ten Draft Regulations (text) an peih fel veleh a copy chu Councillor-te pek tur a ni ang.

ii) Councillor-ten chawlhkar khat chhungin Draft Regulations chu anmahni in lamah an lo zir chiang hmasa ang a, chumi hnu hun remchang hmasa berah Chairman hovin Councillors leh Official-ten sawi ho a ni ang.

iii) Councillors leh Official-ten an sawi ho hnuah, zau zawka sawi ho a tul a nih chuan, mi dang sawm awmte sawmin sawi ho leh a ni ang.

iv) Chumi hnuah Section 371(2) of the Mizoram Municipalities Act, 2007 (as amended from time to time) sawi angin, a duh apiang tan Draft Regulations enna hun thla khat chhung hawn a ni ang a, tualchhung chanchinbuah hemi chungchang hi puanzar a ni ang.

v) Mipui lam atanga sawiselna leh rawtna a awm a nih chuan Executive Council-in a lo thlir ang a, a tul angin Draft Regulations chu a lo chul mam ang.

vi) Executive Council-in a lo chul mam tawh chu Board of Councillors meeting ngaihtuah atan chhawp chhuah a ni ang.

vii) Board of Councillors meeting-in a pawm fel atanga chawlhkar khat chhungin sawrkar-ah thlen tur a ni ang.

4. Office Website siam chungchang.

Office Website neih thuai tulna hrang hrang a awm avangin hmalak nghal tha tih a ni a. Pu K. Lalrinawma, Vice Chairman-in hetiang lam thiam biakrawn awmte lo berawn se, tha tawka hriat a nih chuan siamtir nghal mai ni se tih a ni. Office Logo tur peih fel a nih hnuah a hma thei ang berin Office Website hi peih fel tum ni se tih a ni.

5. SWMC siamna tur hmunhma zawn chungchang.

Lunglei khawpui bawlhhlawh hi hneh (efficient) taka sawngbawl a nih theih nan Solid Waste Management Centre (SWMC) pakhat aia tam siama decentralized management lam hawi nghal vat a tul hlein meeting chuan a hria a. Hemi chungchang hi Dt. 26.5.2023-a Secretary, UD&PA Deptt hova Senior Management Committee meeting-ah pawh sawi ho niin meeting chuan Decentralisation of SWMC hi uar tul a ti hle a, *"LMC-in decentralized SWMC hmunhma tur lo zawngin hemi atana senso tul turte lo chhut sela, Administrative Deptt-ah rawtna rawn thlen se"* tiin thu a dah a. Swachh Bharat Mission (SBM) atangin SWMC pahnih (2 crore man vel ve ve) siamna tur sum LMC pek theih an beisei thu meeting-ah hian UD&PA hotuten an sawi bawk.

Senior Management Committee meeting thuchhuak bawhzui dan tur hi sawi ho a ni a. Tun atan chuan Lunglei chhim lam leh hmar lamah SWMC hmun tur hi zawn phawt ni se tih a ni. Pi Judy Lalhriatpuii, Councillor, Ward No. X hmalaknain Theiriat Local Council ram chhungah Lunglei khawpui chhim lam tana SWMC siamna tur hmun remchang hual lawk a nih tawh thu ngaihthlak a ni a, meeting chuan lawmawm a ti hle. Helai hmun hi Dt.14.6.2023 Nilaini-ah Executive Council-in a hmunah va en ni se tih a ni a.

5

Lunglei khawpui hmar lama SWMC siamna hmun tur chu Ward No. I & II Councillor-ten lo ngaihtuah se tih a ni.

6. BoC meeting chungchang.

Dt.27.6.2023 Thawhlejni chhun dar 11:00-ah Board of Councillors (BoC) meeting neih ni se tih a ni a. BoC meeting agenda atan hengte hi chhawp chhuah ni se tih a ni:

- 1) Presentation of Financial Statement for the year 2022-2023.
- 2) Constitution of Municipal Accounts Committee.
- 3) Draft Lunglei Municipal Council Regulations/Bye Laws siam hmasak dan tur indawt chungchang.
- 4) Solid Waste Management Centre siam chungchang.
- 5) Mizoram Municipalities Act & Rules hmanga hmalak chungchang.
- 6) LMC Complex neih chungchang.
- 7) Truck Terminal siam chungchang.
- 8) Rainwater Harvesting Project siam chungchang.
- 9) Lunglei Municipal area chhunga hmunhma pawimawh humhalh leh cheibawl chungchang.

7. Symposium buatsaih chungchang.

Leitlangpui hmasawna atana inrawnkhawmna (Symposium) buatsaih tha tih a ni a. Symposium neih hun atan hian Dt.20.7.2023 Ningani ruat a ni a; a hmun tur chu Pu K. Lalrinawma, Vice Chairman leh Pu Zorinsanga Hmar, Executive Councillor ten lo zawngin lo thlang fel se tih a ni.

Compere atan Pu Chawngchhuana Chawngthu, Editor, Zonet JB sawm ni se tih a ni a. Panellists leh an thupui (topic) chan tur hetiang hian thlan fel nghal a ni bawk:

- 1) Prof. J. Zorema, Former Principal, Govt J. Buana College, Lunglei.
Topic: Leitlangpui hmathlir 2040
- 2) Pu C. Zairenthanga, Asso. Professor, Deptt. of Economics, Lunglei Government College.
Topic: Act East Policy leh Leitlangpui
- 3) Rev. F. Sangvela, Chanmari, Lunglei.
Topic: Leitlangpui hmasawna atan rilru puthmang dik
- 4) Pu H. Lalhmingthanga, Chief Executive Officer, LMC.
Topic: Leitlangpui leh Municipality

Symposium hi mi nawlpui tana buatsaih lovin, Leitlangpui hmasawna atana hmathlir nei thiam leh rawtna nei thei awm mite sawm khawm ni se tih a ni a. Heng a hnuaia mite sawm ni se tih a ni:

- 1) Sub-Hqrs YMA, Sub-Hqrs MHIP, MUP Hqrs leh Chhimbial Chhantu aiawh mi 3 theuh.
- 2) MZP Southern Hqrs leh MSU Regional Hqrs aiawh mi 3 ve ve.

3) Lunglei Govt. College, Govt. J. Buana College, HATIM leh DIET (B.Ed Students) atangin zirlai 2 theuh.

4) MJA Office Bearers

5) Zonet JB leh LDF Cable TV aiawh mi 1 ve ve.

6) Pu Lawmkima Hmar, Proprietor, Pholeng Youtube Channel.

7) Nl. C. Vanlalruati, Youth Parliamentarian, Venghlun, Lunglei.

8) All Councillors and Officers, LMC.

9) Pu H. Lalruatkima, Asst. Prof., Deptt of Comp Science, HATIM.

10) Nl. Rebek Lalruatdiki Khiangte, Co-Founder, Full Life Access Trust (FLAT), Lunglei.

11) Pu R. Lalrochama, Asso. Prof., Deptt of Zoology, Lunglei Govt. College.

12) Pu Lalrothuanga, Asso. Prof., Deptt of Geography, Govt. J. Buana College.

13) Pu R. Lalhmingmawia, Pukpui, Lunglei (Ward No.I)

14) Pu C. Lalrindika, Bazar Veng, Lunglei (Ward No.III).


15) Pu HC. Lalbiakthuanga, Chanmari, Lunglei (Ward No.VII).

16) Dr. C. Lalenzama, Asst. Prof., Deptt of Social Work, MZU (Lunglawn, Ward No.IX).

17) Sl. No.13-16 te bakah hian Ward dang atangin mi pakhat theuh bialtu Councillor-ten lo thlang se.

C. TAWPNA

Thu ngaihtuah turte ngaihtuah fel a nih hnuah Chairman-in lawmthu sawiin meeting a titawp.


(LALZUITHANGA)


Chairman

Lunglei Municipal Council

Memo No. F. 20017/2/23-LMC(Estt) :: Dated Lunglei, the 9th June, 2023

Copy to:

1. Chairman, Lunglei Municipal Council.
2. Vice Chairman, Lunglei Municipal Council.
3. Executive Councillors, Lunglei Municipal Council.
5. Secretary, Lunglei Municipal Council.
6. All Officers, Lunglei Municipal Council.
7. Guard file.


(H. LALHMINGTHANGA)

Chief Executive Officer

Lunglei Municipal Council